



Kamis, 25 Mei 2023

Ogen : Joh.20:1-11



Tangis Deher Kuburen



Ceda kal ate, bas kematen kalak si ndeher ras kita. Sedak bas pusuh, bagi si bombang si akap geluh enda, kune teringet kita kerna ia, iluh pe mambur. Maria Mahdalena, sekalak diberu si enggo ngejapken kerna kuasa Tuhan Jesus i bas geluhna. Ia pernah ipepalem Jesus bas pinakitna nari. Pengalamanen enda mabai ia mekatep ras ajar-ajar Jesus guna ngelai. Tapi i bas sada wari la banci lang sirang ia rasSa. Iidahna me uga Jesus ndungi kegeluhenNa bas doni enda. Ipalidken me si jahat man Jesus seh matena. Kerina enda isaksiken Maria Mahdalena, tapi kai pe la banci ilakokenna guna nampati Jesus gelah puluh i bas kematen e. Kenca Jesus mate, ikuburken maka bas erpagi-pagi si lampas tupung wari minggu berkat ia ku kuburen Jesus atena guna ngerempahi Jesus. Enda ibahan sebage budaya si lit bas paksa si e. Tapi kai si jadi bas ukurna meciho e, la erkesehen erkiteken seh kuburen e enggo iidahna kuburen e talang. Seh senggetna ia, e maka minter kiam ia mulihken ikatakenna man ajar-ajar. Jesus e enggo ibuat kalak. Erkiteken si enda me ajar-ajar pe minter berkat ku kuburen guna ngenehen situasi si jadi. Bas ajar-ajar ngenehen si e, Maria Mahdalena enda tedis deher kuburen e janahna tangis. Sekalak sahabat, tentu sigejapken kel getem pusuh Maria Mahdalena. Banci jadi kita pe pernah ngejapken si bage rupana, sirang ras kekelengenta. La terjeng sirang kenca si e lit ka perbeben sidebanna si man tangkelen. Maria Mahdalena, la ngasup ngelakoken kai pe selain tangis. Tangis deherken kuburen Jesus, e me silakokenna bas paksa si e. Bas sedak entah getem pusuh mari dahi dengen deheri Jesus, janah tangislah. Tungtungken sisi pusuh, sabap adi bage malem me